









672-7

DE  
PVLMONIBVS



OBSERVATIONES

ANATOMICÆ.

*Nicol. Schod. Pier, J. Pautet.*



*ex lib. Alph. Novelli*

DE  
PALMONIBVS

OBSERVATIONES

ANATOMICÆ

*Michaeli Joh. de P. de P.*

*ex lib. Joh. de P.*



Præclarissimo, & Eruditissimo Viro  
**IO. ALPHONSO BORELLIO**  
**PISIS MATHESIOS**  
Professori Celeberrimo

*Marcellus Malpighius Medicina Professor Bonon. F.*



**I**nter sectiones, quas in dies avidius prosequor,  
sors tulit, vt aliqua circa pulmones diligentius  
persequeretur, quæ alias mihi visus eram veluti  
in vmbra deprehendisse; hæc qualiacunque  
sint tibi reor communicanda; poteris enim  
quo polles ingenio; & in anatomicis contem-  
platione geometricum oculum, qui ictu solo

veritatem, aut falsitatem e rebus colligit observationibus istis  
adiungere. Tuum erit hæc inuenta, vel ad usum meliorem diri-  
gere, vel nutantem adhuc micam mentem tuo asserere in verbo.  
Pulmonum substantia, vulgo censetur carnosâ, vtpotè quod sangui-  
ni suum debeat ortum, nec epati, nec lieni absimilis creditur; &  
Ideò rubere pulmonem in sætu cum solo sanguine nutritur; &  
consequenter vt carnosum viscus calida, & humida pollere tem-  
perie omnes fatentur; Diuersam tamen substantiæ naturam accu-  
rator sensus, & ratio videntur ostendere; diligenti enim indagi-  
ne adinueni totam pulmonum molem, quæ valis excurrentibus

appenditur esse aggregatum quid ex leuissimis, & tenuissimis  
 membranis, quæ extensæ, & sinuatæ penè infinitas vesiculas or-  
 biculares, & sinuosas efformant, veluti in apum fauis alueolos ab  
 extensa cera in parietes conspiciamus, hæc talem habent situm, &  
 cōnexionem, vt ex trachea in ipsas, mox ex vna in alteram patens  
 sit aditus, & tandem desinant in continentem membranam;  
 Hoc demonstrat sensus in pulmonibus mox ab animalibus eru-  
 tis, in quibus aere turgentibus perspicillis observantur, in extrema  
 superficie infinitæ penè vesiculæ aere turgidæ, easdem etiam in  
 eodem secto per medium pulmone, & aere exinanito observare  
 est, licet minores, & minus conspicuas; clarius, & facilius in pul-  
 mone inflato, & mox exsiccato deperiuntur, quia in extrema su-  
 perficie protuberantes emergunt orbiculi, & in secta qualibet  
 parte foueæ, & sinuosæ propagines leui extensa membrana ef-  
 formatae videntur; & vt dubiam mentem omninò in certam fi-  
 dem afferas, enies è viuente adhuc animali pulmones, & immixta  
 siphone aqua per arteriam pulmonarem sanguinem, totum foras  
 protrudes, & vasa pulmonaria pertransiente aqua dilues, illicò  
 totam pulmonum substantiam ad quam pertingit aqua, & vnde  
 sanguis exhauritur, subalbidam, & ferè diaphanam efficies, hæc  
 eadem si leui prius facta compressione, vt imbibita iam aqua ex-  
 trudatur, mox aere immixto per tracheam, turgida ad umbram, vel  
 solem exsicceetur, non tantum luminì obiecta exterius diapha-  
 nos, exponit orbiculos, sed & interius secta candidam vesicula-  
 rum molem turò oculis exhibet. Horum imaginem, cum in in-  
 terna, tum externa pulmonum regione, pro vt porui, aucta ma-  
 gnitudine, vt facilius me explicarem, in postremis tabulis exara-  
 ui, ubi in secunda ex his, quæ summa cum diligentia colligere  
 porui, membranæ istæ vesiculæ videntur efformari ex desinen-  
 tia trachæ, quæ extremitate, & lateribus in ampulosos sinus sa-  
 cessens, ab his in spatia, & vesiculas inæquales terminatur.

Scasum imbecillitati opem ferre videtur ratio, cū aer, qui à trachea

in pulmones irruunt continuatum exigit tramite ad facilem, & subitum ingressum, & egressum, unde fortasse tunica interna tracheæ in sinus, & vesiculas terminata cōsimilem inchoatæ vulgò spongiæ vesicularum molem efficit, quod mihi etiam indicare videntur in resiccato pulmone æqualis substantia, color, & splendor, qui reflectitur æquè à scisso tracheæ extremo canali, & ab appensis orbiculis, & sinibus; immò interna tracheæ superficies leui oblitur humiditate, quæ necessariò propagari debet eadem seruata proportione in orbiculos, vbi aer postremò recipitur, & excluditur, ne calore pertranscuntis sanguinis exsiccetur (tenuissimæ enim, & rarissimæ sunt membranæ) & vt possint in maiorem molem dilatari, & statim etiam comprimi, quod in resiccatis membranarum nequaquam accideret, vt constat in morbolis constitutionibus.

Hic vnum se se obijcit indagandum, in frustulo enim extimo pulmonum lumini obiecto mirabile quoddam rete videtur extensum, quo emergentes, & extuberantes diceret singulas vesicas vinci, & colligari, quod idem etiam obscure tamen in secto interius pulmone obseruatur; an verò hoc rete sit vas, vel quid nerueum extensum ad vesiculas, an verò sint ipsi parietes membranosi vesicularum terminantes ad extimam membranam inuestientem, dubium apud me est, quia tamen in internis, vel euolantibus particulis in resiccatione, vel leuiter cultro abrasis videntur quandoque remanere nerueæ quædam huiusce retis propaggines, & in extimis splendor quidam, & substantiæ modus neruorum proprius obseruari videtur, ideo non absolum credam nerueum esse ligamentum vesicularum parietibus vnitum, & immixtum veluti semicirculos illos cartilagineos in aspera trachea propagatos videmus, & præcipuè cum probabile sit, vt superius posui vesiculas illas esse propaggines membranæ internæ tracheæ.

Pulmonariæ molis diuisio communiter sumitur à figura, & situ; duas enim habet partes intercedente mediastino, quæ iterum in



duos lobos in hominibus præcipue non raro subdividuntur, in brutis autem multiplicantur.

Mirabiliorem, & altiore observandi divisionem, pulmonum enim moles lobulis penè infinitis propria membrana circumscriptis, communibus vasis donatis, propaginibus asperæ arteriæ adnatis constantur, attingi autem possunt lobuli, si seminflatus pulmo solis radijs, vel lumini obijciatur, interstitia enim quædam quasi diaphana emergent, quæ si levi incisione præsequatis lobulos, vtrinque asperæ arteriæ, & vasis adhærentes seunctos reddes, & propria inuolutos membrana inspirato aere per tracheam expecteris, illa, & diligenti sectione seungi potest, & luci posita splendescit, clarius tamen hos tibi continget videre facta levi pulmonum elixatione, & elaborata interstitiorum sectione.

Lobulorum figurâ delineatam videbis; horum inscriptionem, & variam situationem non in totum mihi licuit exprimere, quia varia est secundum diversam exigentiam, cum enim ad quamcunque partem trachea cum appensus vasis ad modum arboris ramificetur, & huiusmodi ramificationes modo delineant in superficie pulmonum extimâ, quæ plana, & æqualis esse debet, modo in angulos eorumdem extremos, tum sus eum debite necesse debent contiguas, & circumpositis ramificationibus, ut seruentur debitus situs, nexûs, æqualis capacitas, & interstitium, idcò vario modo situantur isti lobuli, ut quandoque basi vñantur tracheæ, modo costâ, modo cono; processuum horû in extimis similitudinem in eupressi nuce adumbratam videbis, præcipuos, & simpliciores, pro ut licuit in postremis subobscurè collegitabilis.

Post lobulos occurrent observanda tabula superius in hoc libro non vnde quæque nudæ yacuitates, & intercepta mania spacia, plures enim habent extensas membranas modo sibi parallelas, modo angulares, quæ non tantum ab extrema superficie lobulorum lateraliter positorum, verum, & ab interna lobulorum substantia propagantur, inter hæc membranas occurrunt plurima vasa minima

à lobulis egressa, quæ in eosdem oppositos ingrediuntur, hisce membranarum recipitur, & efficitur aer, veluti in amplioribus sinibus, qui mutuam habent communionem, ut aer ex vno in alium comprimi possit, ita ut interstitia sint eadem membranae vesiculæ pulmonum, diaphanæ tamen, & tenuissimæ.

Interstitia talem habent propagationem, qualis tolinquitur à situatis lobulis; quæ in grandioribus animalibus penè æquât latitudinem semidigiti per transversum, hæc non ad solam lobulorum distinctionem, & nexum fabricata à natura censeo, sed fortasse aere intercepto coarctant undequaq; inuestitos lobulos, & ita multiplicant impetum pressionis, & consequenter iuvant miscellam sanguinei corporis; Vterius cum frequenter vesiculas, quæ à Græcis hydatides dicuntur in istis interstitiis observaverim, item in animalibus senibus, & alijs quibusdam morbis exunctis, puncta quædam nigra, quæ veluti linea tenui protracta totam interstitiorum propaginem signant, probabile credam diuerticula esse, & veluti emunctoria minimarum lobulorum; eadem quoq; denigratio deprehenditur in glandulis leteribus asperæ arteriæ continuatis.

Per pulmonum substantiam triplex vasorum genus disseminari innuit; varius tamen creditus est usus, cuius quidem varietatem, & longum, & absolum exarare in præsentem esset, idè supposita sobole asperæ arteriæ, veræ, & arteriæ pulmonariæ; quæ nexu quodam pari ramificatione totam excurrunt pulmonum substantiam, hoc solum tibi sum ratus communicare, quo modo liceat sinceram, & evidentem vasorum divisionem, vsq; ad minima assequi, quæ quidem licet alias leui parenchymatis abrasione subobscurè habeatur; mihi facile tamen, & summa cum oblatione contigit eam colligere; In pulmone igitur canis minor, sed gracilis, & oblongus assumatur lobus, qui compressione facta aere omnino exhaustus radijs solaribus expositus aperiet ductus asperæ arteriæ, item propagines arteriæ, vapore sanguine vacuas,

que omnia cum adiunctis lobulis polypodij similitudinē dabunt, & quia crassus hic sensus est leui cum impensa, & labore iterum licebit exquisitiore habere delineationem; Hoc autem tibi accidet si inflaueris arteriam pulmonariam mediante euidenti trunco in principio eiusdē lobi, deinde nodo illigaueris, videbis enim exurgentem arteriam, veluti anaglypticē sculptam se se minimis, etiam prodeuntibus vasculis ramorum arboris ad instar, vel si lubeat formosorem habere delineationem, immisso mercurio argenteæ emergent ramificationes, vsq; ad minima.

An hæc vasa in finibus, vel alibi mutuam habeant anastomosim, ita vt sanguis à vena resorbeatur continuato tramite, an verò hient omnes in pulmonum substantiam dubium, quod adhuc mentem meam torquet, pro quo enodando, in cassum licet, plura, & plura molitus sum aere, & liquidis variè tinctis, sæpius enim immissam aquam nigram syphone per arteriam pulmonarem à pluribus erumpentem vidi partibus, nam facta leui compressione solet exsudare à membrana inuestiente, partim etiam coaceruari in interstitijs, maior verò copia cum cōmixto sanguine erumpit per venam pulmonarem, & quod mirabilius est per tracheam diluta, & minus colore tincta cum leui spuma, & ex quacumq; pulmonum compressione per eandem foras exit; in eodem item resiccato pulmone parietes vesicularum, & sinuum denigrati omnes videntur; Quid simile etiam immisso mercurio accidere videtur, nam repleta arteria pulmonaria mercurius excurrit ad extimas propagines bifurcatas, quæ si leuiter etiam comprimantur foras è membrana inuestiente eponitur, quandoq; facto adiut in interstitia ibi penè totus colligitur; In resiccatis etiam pulmonibus, variè, & inordinatè rubescences conspiciuntur vesiculae, alijs albescentibus. Vnde ex his omnibus sicuti naturalis via non habetur, quia immissus humor plures, & plures sibi parat vias, quæ in sanitatis statu insuetæ sunt, ita edocemur ex leui quocumq; conatu, & humorum mutatione regias

istas

illas vias frangi, quare nil mirum si hydropes, sanguinis expuitiones, phrises, asthma, & empiemata leuibus etiam ex causis in pulmonibus contingant.

De pulmonum usu scio plura ab antiquis haberi, & circa illa plurimum etiam ambigi, & præcipue circa refrigerationem, quæ pro principali fine usurpatur, cum nitatur excedenti imaginato cordis calore, qui exquirat euentationem, quare hæc curiosum in alterius usus indagine fecerunt, & ex his, quæ subnectam probabiliter credam, pulmones à natura fabricatos esse ad sanguinarum molis miscellam; pro sanguine autem non intelligo aggregatum ex quatuor vulgatis humoribus, vtraque bile, sanguine, & pituita, sed totam illam corporaturam, quæ per venas, & arterias continuo fluit, quæ licet penè infinitis constet particulis, omnes tamen sub duplici parte comprehendi posse videntur ad rudem nostrum sensum quodammodo similari, sub alba scilicet, quæ vulgo dicitur serum, & sub rubra.

Et primò non est, quod tibi persuadeam longa verborum serie in natura dari corpora, quæ à proprio exortu non sint sortita fluxibilitatem, sed partes etiam minimas ad facilem nexum, & vnionem ita paratas habeant, vt nisi summa cum vi disungi possint, & aliquando disuncta mutuam moliantur vnionem, hæc iterum corpora facillimo etiam negotio mixtione alterius interpositi corporis fluida fieri, hoc primò videmus in metallis, & alijs ignisufusis, deinde in partibus tartareis, quæ fusæ, & cum aqua cõmixtæ sunt fluxiles, & inconspicuæ, vnitæ autem constituunt lapidis soliditatem, rursus aquis regijs, acidis, & similibus interpositis, & discontinuantibus fluxibilia reddimus solidiora metalla, quin immò, quod mirabilius est ex sola partium discontinuitate in siccissimis contingit fluxus, vt in plumbo, & stannio adusto, mox à figulo mola contrito, ea enim est nostri sensus crassities, vt facile credat minima arenularum grana instar aquæ, & ipsa fluere.

Nec

Nec dubium est in sanguinis massa partes esse, quæ ad facilem  
 unionem sint proclives, & ad tantam deveniant soliditatem, ut  
 lapidem duritie quandoq; æmulentur. Huius inditum sit san-  
 guinis pars rubra, quæ à sero seiuncta ita resiccatur, ut præferat  
 lapidis speciem; licet in frustula determinatæ tamen figuræ sit  
 friabilis, portio item serosæ substantiæ, levi calore ad ignem con-  
 creta, quæ vehemensiori nexu procedente tempore ossæ fit, &  
 diaphana hæc igitur particule debite ad inuicem commixtæ flui-  
 dum quoddam in totum efficiunt, sit enim primo fluxile serum,  
 tum ex mixtura aqueæ substantiæ, cuius existentiam ostendit  
 sensibilis & vaporatio è sarragine erumpens, dum serum concre-  
 scit, & clarius humor quidam odore, & sapore urinam reprehe-  
 sentans à sanguinis sero medio alembico seiunctus, qui solet  
 æqualem penè servare mensuram cum concreto sero, tum ex bi-  
 le, & salibus diversis, quæ copiosè à sero aqueo extrahuntur, su-  
 fa enim, & cum sero debite mixta maiorem partium solutionem,  
 & fluxibilitatem efficiunt; Ex serosa, seu hac alba parte contin-  
 git fluxibilitas alterius, scil. rubræ, hoc expressè videmus à con-  
 trario in extracto sanguine ex secta vena, seiuncta enim minima  
 rubra iam commixta fortasse ad motum excitata ex calidis particu-  
 lis foras erumpentibus sibi similibus uniuntur, & serosa substan-  
 tia, unde quaq; expressa in circuitu separatatur, hoc idem accidens  
 in viuentibus observatur, ubi scirrosi tumores coaceruantur, & ni-  
 gri muci, quorum originem vulgus videtur recognoscere à me-  
 lancholia, vel atra bile; firmatur hoc totum ex vulgari experi-  
 mento, mulieres enim, ne sanguis exiens à viuente adhuc anima-  
 li in suas concrefcendo diuidatur partes solent digitis, vel baculo  
 conterere, & exagitare, ut scilicet perpetuetur fortis illa misce-  
 la albi, & rubri. Vt igitur hæc miscella optime succedat, & minimum albi interci-  
dat, & tangat minimum rubri, & stabili facta mixtione sangui-  
nis massa instauretur, natura pulmones fabricfecit; His lucem  
ferunt,

ferunt, quæ ex anatomicis circumferuntur, nam constat in pulmones derivari media arteria pulmonari sanguinem minus dilutum sero è toto ambitu redeuntem, item medijs vasis thoracicis chilosam materiam, & Bartolini lympham, quæ eadem est cum sanguinis albo, quæ omnia cum in dextero cordis ventriculo nequeant, nisi rudem subire miscellam, vterius in appensos pulmones propagantur.

Pulmonum structura talis est, vt exactè miscere possit; pereptant enim per pulmonum molem ad minima, vsq; vasorum rami, adeò vt inclusæ substantiæ, dum hinc inde propagantur in diuisionibus fractæ, & voluti ab allisu diuicationum vasculorum mixtæ, simul melius in vnâ confluant naturam, subigente quodammodo illas substantias aere in vesiculis incuneato, quæ vndiq; vasa stipantes, dum modò vacuuntur, modò implentur totam materiam continuata per suas vices pressione penitus miscere possunt. Simile quid in dies videmus, dum farina in massam compingitur, vt enim eam exactè miscemus crebra tundimus mano.

Hanc veritatem è piscium pulmonibus, qui in branchias efformantur petimus; in his branchiæ componuntur plurimis radiosis micistulis, sibi inuicem incumbentibus; vasa pulmonaria suis minimis propaginibus, vsq; ad radiorum apices excurrunt, qui ita sunt dispositi, vt aquam maioris corporaturæ, quam si uerò de quaquæ recipiant; hæc enim vi pressa ab osseo operculo radios ita coarctat, vt in propagatis vasis, & humoribus miscellæ, & motus sufficienter habeantur; Quinimodò, & quia mucus continuò inde facilitè abraditur non incongruum est censere, quod ea, quæ in alijs petrent, & transpiratum exirent hac compressione excludantur. Anouis item incubatis argumentum habemus; ex extrema nempe vmbilici ramificatione in albumen, & vitellum, quæ ita in minimâ multiplicatur, vt effectum rete delinect, hæc namq; infinitis ramis in humores, seu colliquamentum terminante miscetur minimum delati sanguinis cum

succo



succo mox adducendo. Ex his, & consimilibus, ut alias tibi per litteras exposui, cum necessariam in animalibus sanguineis pulmonum opem conspicerem, & his otiantibus in fetu quandam molem in mulieribus vterinam placentam dictam, in quam ultimò terminantur vmbilicalia vasa viderem, non incongruè fortasse credidi, hanc esse pulmonum vicariam, per hanc enim consimili ramificatione excurrunt propagata vasa, & à matre exsudans humor albus aduenienti copioso sanguini per vmbilicales arterias, ita exactè miscetur, ut iam factus sanguis ad cor iterum reuehatur, & inde in vniuersum corporis habitum.

Ad minimorum vnionem non tantum sequitur stabilis miscella, & fluxibilitas in sanguine, sed & eodem tempore ex deducta materia intercedente fermentatione sanguineæ massæ instauratio contingit, calor emergit, & maior, & maior inducitur partium libertas; Hocum iudicium sit colliquatio, & turgentia tum in albumine, tum in vitello in ovis incubatis ex miscella immixti sanguinis per vasa vmbilicalia, in quorum meandris nouus progignitur sanguis ope appulsi, & fermentantis sanguinis nondum adhuc vigente epate, quam eandem motionem in nobis ipsi experimur, dum breui à cibo turgentiam in pulmonibus ex affluente alimento per sentimus, subsequentibus calore, pulsu aucto, & crebra respiratione, & præcipuè in me ipso ex oleribus, & leguminibus talem per sentio tensionem, ex qua per vicè insinuante se quoddam acri, & turgente humore mihi ipsi, & adstantibus prænuntio palpitationis ictum mox in corde futurum, quo mox sequuto vagus ille morsus tollitur. Manifestius se se exerit hæc fermentatio in hecæticis, vbi plus iusto acrior est sanguis, ut non tantum partes, in quas influit per arterias delatus soluat, & fundat, verum & vterius procedente fermento, talem inferat in partibus sanguineis libertatem, & motum, ut posthabita vnione, & nutritione foras euolent innumeræ particulæ per cutim insensibiliter, per renes, nares, & aluum sensibili, & copiosa euacua-

euatione; quin inuicem, & pulmones ipsi, in quibus totum hoc agitur negotium ferè primi sunt; qui huius seditionis persequuntur; quare nil mirum si solis insensè incrassantibus, & motum cohibentibus, vt lacte, pituita, coctileis, balneis oleis, & similibus pro reprimenda huius fermenti aëritate sit incedendum; in his igitur à cibo nouo adueniente chilo in pulmonibus talis increfcit calor, vt sensibiliter tunc febricitent, & attenuato sanguine magis se se insubstante genæ præcipuè rubeant, & tandem, quod in consimilibus etiam accidit, pulmonum compages, & niscatus, vel erodantur, vel plus iusto aperiantur hiantes in pectoris capacitatem, vel in asperas arterias, & ita modo sanguis, modo sola pars alba leui concreta calore per sputum erumpat, modo in thorace recolligatur. Tanta est demum huius fermentationis necessitas, & præstantia, vt in sæminis quibusdam, quibus aliqua ex causa non debite excitatur, alba, & serosa sanguinis pars non sine pulmonum affectione, ad eò excrefcant pereunte penè rubra, quod, & inspectione sanguinis è secta vena, quilibet experiri potest, & colore, torpore, & corporis cachexia etiam confirmare, quin immò statò tempore ex naturæ instituto in sanis sæminis, ita turget, vt vias sibi aperiendo singulo mense menstruas celebret purgationes, Ex his omnibus non est difficile caloris actualis originem agnoscere, cum aliunde sciamus particulas calidas solutas, & ad motum excitaras actualè in nobis inducere caloris sensum, quod benè præstat à fermento.

His vsibus possem alium æquè necessarium addere, pulmones .i. fabricatos esse à natura veluti sanguineum penu, vt continuò per vices suppedient sanguinem cordi, qui ab eo in vniuersum perpetuò circuitu impulsus, & vitam, & motum omnibus impertiat, quoniam tamen ab alijs tactum est, idè transeunter solum subnectam, quod in animalibus adhuc viuentibus secto thorace, si iam collapsi pulmones iterum immissa fistula aere insentur, restituitur motus cordi, iam penè extinctus irrupente sanguine in  
fini-




sinistrum ventriculum ex facta aeris compressione; Praxis etiam hoc idem comprobat, obstructis namq; pulmonum valis, vel auriculis pulsus inæqualitas primò emergit, & tandem mori; & tandem dignitate polleat ad vitam in animantibus pulmones, ut perpetuò hoc verum sit, morbos vè plurimum; vel ab ipsis pulmonibus, vel tandem in ipsos desinere. **Hæc licet ex observationibus factis ad usum anatomicum comparasse** ista quo ad aliqua certius determinasse, nisi labor hic in minimis, & penè visum effugientibus esset. Solita tua humanitate me prosequere, & nestoreos ducas annos, & levum ab obitu

libro 10. Baptiste Fektonij. Superiorum permissu.

Typis Io. Baptiste Fektonij. Superiorum permissu.



I



II




III

BIBLIOTECA NAZ.  
ROMA  
CITTORIO EMANUELE

- I. Frustulum extimum pulmonis exsiccati continens delineatum rete.
- II. Internae vesiculae, & sinus adumbrati cum appensa particula interstitij in parte superiori; ceterum exortus, & integra propagatio iconae oculis subijci non potuit.
- III. Lobulorum varia adaptatio supra tracheam, & pulmonaria vasa, qui etiam à naturali situ distracti exhibentur ad faciliorem intelligentiam.



1874.112  
ROMA  
ITALIA



...  
...  
...  
...



DE  
PVLMONIBVS  
EPISTOLA  
ALTERA.

DE

EVANGELIIS

EPISTOLA

AD ROMANOS

Præclarissimo, & Eruditissimo Viro  
**IO. ALPHONSO BORELLIO**  
**PISIS MATHESEOS**  
Professori Celeberrimo

*Marcellus Malpighius Medicina Professor Bonon. F.*



A est inueniendis in rebus physicis obscuritas,  
ac difficultas, vt aliquid penitus determinare  
integrum non omnino sensibus nostris esse vi-  
deatur, & licet improbo peruicaces in labore,  
suis in fœtibus, veluti in exarato per mysteria  
volumine, naturam parentem contemplemur,  
& obscura magis in effossis animantium visce-

ribus recludere tentemus, nostris demum conatibus non nisi per  
impressa obseruationum tædia veritatem constare colligimus;  
dum modo insectorum, modo perfectorum animantium lectio-  
ne veluti per gradus lucem mutuamur, solet in quibusdam, licet  
vilioribus, magnis, & omnibus numeris absolutis natura prælu-  
dere, & in imperfectis rudimenta perfectorum animantium po-  
nere; Vt propius tamen, Vir præclarissime, rem tangam, duo  
erant, quæ in mea de Pulmonum obseruationibus epistola, vt du-  
bia, indaganda exactiori studio reliqui, Primum erat, quodnam  
sit rete illud descriptum, quo singulæ vesicæ, & sinus quodam-  
modo vinciuntur in pulmonibus, alterum erat, an pulmonum

4  
vasa mutua anastomosi iungantur, an verò hient in communem pulmonum substantiam, & sinus; Problemata, quæ soluta maioribus, sibi viam agent, & ob oculos naturæ operationes clarius sunt positura, pro quibus enodandis ferè totum ranarum genus perdidit, quod non contigit in effera illa Homeri batrachomyomachia; In ranarum .n. anatome, quam fauente Excellentissimo D. Carolo Fracassato Collega meo institueram, vt certior fierem circa membraneam pulmonum substantiam, talia mihi videre contigit, vt non immerito illud Homeri vsurpare possim ad rem præsentem melius.

*Magnum certè opus oculis video.*

Nam in hac propter structuræ simplicitatem, vasorumq; & ferè totius diaphanitatem, quæ oculos in penitiora admittit euentius res ita demonstratur, vt cæteris obscurioribus lucem sint tandem alaturæ.

In rana igitur, scisso per longum abdomine, erumpunt pulmones vtrinq; cordi adhærentes, qui non vt in cæteris animantibus illico flaccescunt, sed tensi ad animalis libitum perdurant, hi nil aliud sunt, quam membranea quædam vesica, quæ primò intuitu minimis conspergi videtur maculis ex ordine dispositis instat corij piscis squatinæ, vulgo dicti *Sagrimo*, figura, & extionis protuberantijs æmulatur conum pincum; colligatur autem interiorius, & exterius textura quadam vasorum diuersimodè propagatorum, quæ ex pulsu, contrario motu, & insertione venar, & arteriar, pulmonares sunt; in eius concava, & interiori parte tota ferè facies in inane spatium aeri recipiendo dicatum, nō vndequaqtamen levis est, sed intercipitur occurrentibus alueolis, qui ex elatus in pusillam altitudinem membranosis parietibus conflantur, non sunt verò omnes eiusdem figuræ, sed dum parietes in longum, & latum ducuntur, & neſtuntur, ferè in exagonos sinus efformantur; ad angulos sinuum, dum flexa aliquantisper, extenditur membrana, infundibulum veluti constituitur, & ita mi-

5

norum ranatum pulmones effinguntur: in grandioribus autem  
 in maiorem altitudinem eleuantur parietes, & à medio conten-  
 tæ areæ tres vt plurimum sensim augescendo excurrunt, sibiq;  
 occurrunt parietes in minoribus ranis ferè inobseruabiles, hi dum  
 sibi inuicem, & maioribus nectuntur in tres alios sinus, vt pluri-  
 mum sinum maiorem partiuntur. Sinuum area, seu fundus va-  
 sa superius tacta admittit, & quo ad arteriam ipsa aliquando non  
 conspicuo desinit in medium furculo, sed vltèrius suo maiori du-  
 ctu exporrigitur, & aliquando manifestè vnum, vel alterum ra-  
 mum depromit, vena autem parietum interna fastigia alabatur,  
 hisq; immiscetur, & demissis inferius ramis per parietem tandem  
 excurrit in aream.

His visis ad meram structuram, & compagem attinentibus mirabi-  
 liora, microscopica detegit observatio, nam pulsante adhuc cor-  
 de sanguinis contrarius motus, licet difficulter, in vasis obserua-  
 tur, ita vt euidenter detegatur sanguinis circulatio, quæ & fœ-  
 licius etiam in mesenterio, cæterisque venis maioribus abdomi-  
 ne contentisprehenditur; Sanguis itaq; hoc impetu per arte-  
 rias in quascunq; cellulas vro, vel altero ramo cõspicuo pertran-  
 seunte, seu ibi desinente per modum effluuij in minima depluit,  
 & ita multipliciter diuisus rubrum colorem exuit, & sinuosè cir-  
 cumductus, vndiq; spargitur, donec ad parietes, angulos, & ve-  
 narum ramos resorbentes appellat.

Non vltèrius vis oculi in viuente animante aperto potuit extendi,  
 hinc credideram sanguineũ corpus in spatium inane erumpere,  
 & hiantè vase, & parietum structura recolligi, huic ansam præ-  
 bebāt tortuosus, & in diuersa diffusus sanguinis motus, & eius ad  
 determinatam partem vnio: Fidem tamen meam dubiam fecit  
 exsiccatũ ranę pulmo, qui fortè in minimis (vt postea deprehen-  
 sum vasculis) sanguineam rube dinem seruauerat, ibi .n. perfe-  
 ctiori vitro oculis non amplius puncta efformantia corium, quod  
 dicitur *Sagrino*, sed vascula annulatim immixta occurrebant; &



tāta est horum vasculorum diuaticatio, dum hinc inde à vena, & arteria prodeunt, vt non amplius vasis ordo seruetur, sed rete conflatum ex duorū vasorum productis onibus appareat, hoc rete non solum totam aream occupat, verum ad parietes extenditur, & excurrenti vasi aduaseitur, pro vt copiosius licet difficilius potui in testudinis oblongo pulmone pariter membraneo, & diaphano obseruasse; hinc patuit ad sensum sanguinem per tortuosa vasa diuisum excurrere, nec in spatia effundi, sed per tubulos sepe agi, & multiplici flexu vasorū disijci; Nec nouus est naturæ mos extrema vasorum ora inuicem iungere cum in intestinis, alijsue partibus idem ipsa seruet, quinimmo quod mirabilius videbitur, venarum fines superiores. sc. cum inferioribus spectabili inuicem nectit anastomosi, vt optimè obseruauit Doctissimus Fallopius.

Vt autem proposita facilius obtinere possis, & visu assequi, sectæ ranae emergentem, turgidumq; pulmonem, dum copioso vndiq; aluitur sanguine, filo qua iungitur cordi nectes, etenim hic exsiccatius seruabit vasa sanguine turgentia, quæ tunc optimè videb. si contra horizontalem solem expolita pulicari vnus lentis petteruteris microscopio, vel aliam instituere poteris in his videndis methodum, supra laminam crystallinam pulmonem ponēs subius lucernæ lumine per tubum illustratam, huic microscopium duarum lentium admouebis, & ita annulatum propagata vasa tibi aperientur, eadem dispositione instrumentorum, & luminis motum sanguinis per tacta vasa obseruabis, & ipse ex te alia comminisci poteris per diuersos lucis gradus, qui calami subterfugiunt descriptionē, circa verò motu sanguinis tua dignum speculatione vnum se promit, ligatis. n. auricula, & corde, & ita sublaris motu, & impulsu, qui posset à corde in appensa deriuari vasa, adhuc sanguis per venas mouetur ad cor, vt vasa suo conatu, & affluente copia distendat, & hoc per plures perseverat horas, in fine tamen, si præcipuè solaribus exponatur radijs, non co-

dem

dem continuato agitur motu, sed veluti per vices impulsus, fluctuans eadem simul progreditur, regrediturq; via, quod & accidet auulsi corde, & auricula.

Ex his igitur ad prima problemata resoluenda ex analogia, simplicitateq; , qua vitur natura in suis operibus colligi potest rete illud, quod alias nerueum credidi vesicis, & sinibus immixtum, vas esse deferrens sanguineum corpus, seu idem efferens, & quamuis in perfectorum animantium pulmonibus in medio annulorum retis, aliquando vas desinere, & hiare videatur probabile tamen est, pro vt fit in cellulis ranarum, & testudinum, illud vas minima vltius propagata vasa ad modum retis habere, quæ propter exiguitatem suam exquisitum, etiam sensum effugiant.

Ex his etiam summa cum probabilitate illud solui potest de mutua vasorum vnione, & anastomosi, etenim si semel intra vasa natura sanguinem voluit, & vasorum fines in rete confundit, probabile est etiam in alijs anastomosi iungere, hoc euidenter deprehenditur in ranarum vesica ab vrina turgente, in qua citatus sanguinis motus per diaphana vasa mutua inuicem anastomosi iuncta obseruatur, quin & vasa ista illum sortita sunt nexum, & progressum, quem in folijs omnium ferè arborum illarum venæ, siue fibræ perpetuo designant.

In quem verò finem hæc omnia fiant, vltra ea, quæ superiori epistola tetigi de pulmonaria miscella, tu ipse visus es apprimè deprehendisse, nec celeberrimo tuo hoc inuento mens est fraudanda, quod humanitate tua ad me exaratis litteris commisisti, quibus subtiliter philosophabaris mira in vegetabilibus portenta naturæ obseruando, dum miramur poma ex trunco non suo pendere, plantarumq; adulteria iucunda mixtura legitimis nothos superinduxisse partus: Videmus enim vnā eandem arborem in ramis suis diuertes induisse mores, dum hic grata acciditate gustum penduli prolestant fructus, illic nectarea dulcedine omne

desi-

desiderium implent, & ipse fidem veritati astruis, dum Romæ miratus es è massilici mali trunco vitem, & iesimumum prodijisse; Hæc ingenia, qui viridaria excoluit leui indito fuculo grandioribus ramis fecit, & ad diuersarum rerum fœturam non reluctantes arbores etudiuit, nam in hanc rem appositè cecinit Virg. in Geor.

— — — *aliena ex arbore germen*

*Includunt, vdoq, docent inolescere libro.*

Miri huius effectus tua philosophadi methodo secretum aperis, existimare enim debemus eatenus massilici mali accidum succum in meri naturam dulcescere, quatenus particulæ illius succi, licet fœliciter excurrant per exilesineatus proprii trunci, non eodem tamè modo possunt continuatos vitis tubulos subire, hinc suo pericitæ motu, & subsequentiū impulsu extra suum ordinem diuulsæ, & fractæ necesse est, vt ad superinductam meatus figuram se componant, & nouam induant naturam, qua & vitis, & iesimumum producitur. Similem operationis modum in pulmonibus natura perficit, redit enim ab ambitu corporis viduatus alibilibus particulis turbatus sanguis, cui nouus è vena subclauia humor additur vltiori naturæ actione perficiendus: Hic igitur, vt in particularum carnis, ossis, nervi, &c. naturam disponatur, & præparetur, dum subit pulmonarium vasculorum miriades, veluti in diuersa minima stamina ducitur, & ita sanguineis particulis conciliatur noua figura, situs, & motus, quibus carnes, ossa, & spiritus possint efformari; cumulatui tui dicti fides à consimili terminalium vasorum structura, ac si animantis nutritio quædam esset eiusdem regeneratio.

Hæc paucula in epistolam coegi, vt inuenta iam de pulmonibus augerem; si punctum tuli hoc totum mearum obseruationum additamentum ranæ debui. Istis rebus tua auctoritate, & inuento pretium concilias, & dignitatem. Interim lætè philosophate, pergasq; me omninò fœlicè reddere has minimas cogitationes meas  
tuorum

tuorum scriptorum de animalium motu, particula adaugendo.  
Vale.

---

Bononiæ, Typis Io. Baptistæ Ferronij 1661.


Superiorum permissu.

I. Figura exhibens ranarum pulmones  
cum appensa trachea.


- A Larynx, quæ semicartilaginea est.
- B Rimula, quæ arctissime clauditur, & aperitur ad animalis libitum, & clausa aere turgentes seruat pulmones.
- C Cordis situs.
- D Pars exterior pulmonis.
- E Cellularum propagatum rete.
- F Arteria pulmonaria propagatio.
- G Pars concava pulmonis per medium scissi.
- H Arteria pulmonaria parietum apices excurrentis propagatio.

II. Figura continens cellulam simplicissimam  
absq; intermedijs parietibus aucta in magnitudine ad faciliorem intelligentiam.

- A Cellula area interior.
- B Parietes diuulsi, & inclinati.
- C Arteria pulmonaria truncus cum appensis ramis, quasi reticulato opere desinentibus.
- D Vena pulmonaria truncus parietum fastigia pererrans suis decurrentibus ramis.
- E Vas in fundo, & angulis parietum commune lateralibus, & continuatis retis ramificationibus.









ALFRED  
J. J. J. J. J.

